

Ժողովուրդ

115
(3324)

11 սեպտեմբերի ուրբաթ 2026
տպագրության ԺԵ տարի

✉ ք. Երևան, Արմյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ԽԻՍՏ ՎԵՐԱՀՄԱՆՈՒԹՅՈՒՆ



«Ժողովուրդ» օրաթերթի՝ իշխանությանը մոտ կանգնած աղբյուրների փոխանցմամբ, առաջիկա ՏԻՄ ընտրություններին ընդառաջ, իշխանությունը խիստ վերահսկողություն է սահմանել այն մարզերում, որտեղ համայնքապետերի ընտրություններ են սպասվում: Մեր տեղեկություններով՝ Նիկոլ Փաշինյանը իրավապահ եւ վերահսկող մարմիններին հանձնարարել է առավել ակտիվ աշխատել մարզերում ուշադրության կենտրոնում պահելով ինչպես տեղական իշխանությունների ու սեփական թիմի ներսում կատարվող գործընթացները, այնպես էլ ընդդիմադիր շրջանակների գործունեությունը:

Հատկապես խոշորացույցի տակ են ընդդիմության ներկայացուցիչների հանդիպումները, կապերն ու հնարավոր պայմանավորվածությունները: Ուսումնասիրվում են նաեւ ընտրական գործընթացներին առնչվող հնարավոր գործարքները, այդ թվում՝ ձայների բաժանման կամ քաղաքական ուժերի միջեւ պայմանավորվածությունների վերաբերյալ տեղեկությունները:

«Ժողովուրդ» օրաթերթի աղբյուրները նշում են, որ Նիկոլ Փաշինյանը հատկապես խիստ է դրել հոկտեմբերի 25-ին սպասվող ՏԻՄ ընտրությունների հարցը: Իշխանության ներսում դրանք դիտարկվում են որպես կարելի քաղաքական փորձություն, եւ վարչապետը ցանկանում է բացառել իր համար անցանկալի զարգացումները:

Չի բացառվում, որ առաջիկա շաբաթներին մարզերում իրավապահների գործողությունները կտրուկ ակտիվանան, իսկ որոշ դեպքերում հանգեցնեն նաեւ ձերբակալությունների: Թե որ մարզերում եւ ում շուրջ կարող են զարգացումներ լինել, մեր աղբյուրներն առայժմ չեն մանրամասնում:

ՀՀ առողջապահության համակարգում շարունակում է թեժ քննարկվել առողջապահության փոխնախարար Լենա Նանուշյանի պաշտոնավարման եւ գործունեության հարցը: «Ժողովուրդ» օրաթերթի աղբյուրների փոխանցմամբ՝ Նանուշյանը վերանշանակումից հետո հիմնականում համակարգում է նախարարության միջազգային ուղղությունը, եւ արդեն համակարգի ներսում դժգոհություն կա, որ նրա գործունեությունը վերջին շրջանում առավելապես ընդգծվում է արտերկրյա գործուղումներով: Ավելին՝ մեր աղբյուրների փոխանցմամբ՝ երբ Նանուշյանն անձամբ չի մեկնում գործուղումների, արտերկիր են մեկնում նրա թիմի անդամները: Արդյունքում, առողջապահության համակարգում արդեն դժգոհությամբ կատակում են, թե փոխնախարարի թիմը վերածվել է միջազգային գործուղումների մշտական «ներկայացուցչության»: Կարճ ասած, նախարարությունում մեղիայի միջոցով դժգոհում են, թե իրենք գործուղումների չեն գնում, այլ խումբ է գնում: Իսկ թե նախարարությունում ով պիտի զբաղվի առողջապահական հարցերով, մնում է անհասկանալի:



«Ժողովուրդ» օրաթերթի տեղեկություններով՝ իրավապահ համակարգում որոշում է կայացվել նախկին բարձրաստիճան պաշտոնյաների մոտ գտնվող բոլոր զենքերը հնարավորինս հավաքել: Մեր աղբյուրների փոխանցմամբ՝ խոսքը նաեւ օրինական հիմքով ձեռք բերված եւ հաշվառված զենքերի մասին է: Ներքին գործերի նախարարությունը նախկին պաշտոնյաների դեմ դատական հայցեր է ներկայացնում՝ պահանջելով անգամ նվիրատվությամբ, պարգևատրման միջոցով, անգամ գնման եղանակով ստացած զենքերը հանձնել պետությանը: «Ժողովուրդ» օրաթերթի աղբյուրները գործընթացը կապում են վերջին շրջանում նախկին պաշտոնյաների նկատմամբ ակտիվացած իրավապահ գործողությունների հետ: Իրավապահ համակարգում, ըստ մեր տեղեկությունների, մտավախություն կա, որ նախկինների գույքի, ունեցվածքի նկատմամբ գործընթացները, որոնք քաղաքական շրջանակներում արդեն որակվում են որպես «կուլակաթափություն», քաղաքական հայացքներով պայմանավորված, կարող են անձնական հաշվեհարդարների կամ վենդետայի վտանգ առաջացնել: Հենց այս ռիսկը նվազեցնելու նպատակով էլ փորձ է արվում հնարավորինս սահմանափակել նախկին պաշտոնյաների մոտ զենքի առկայությունը:



Շարունակությունը՝ ArmLur.am կայքում

«Ժողովուրդ» օրաթերթը շարունակում է ուսումնասիրել մարզերի համայնքապետերի գույքի, եկամուտների, ծախսերի եւ շահերի վերաբերյալ հայտարարագրերը եւ դրանք ներկայացնել հանրությանը: Այս անգամ ուսումնասիրել ենք Սյունիքի մարզի Քաջարան համայնքի ղեկավար Մանվել Փարամազյանի հայտարարագրերը: Փարամազյանը 2016 թվականի նոյեմբերի 13-ից մինչեւ 2017 թվականի նոյեմբերի 13-ն աշխատել է Քաջարան քաղաքային համայնքի ղեկավար: 2017 թվականին ընտրվել, 2022-ին վերընտրվել է: Նրա 2021 թվականի հայտարարագրում որպես եկամուտ նշված է 26 մլն 492 հազար 863 դրամ: Դրանից 24 մլն դրամը Փարամազյանը ստացել է «Զանգեզուրի պղնձամոլիբդենային կոմբինատ» ՓԲԸ-ից՝ վարձակալության դիմաց, իսկ 2 մլն 492 հազար 863 դրամը՝ Քաջարանի համայնքապետարանից որպես աշխատանքի վարձատրություն: 2021 թվականին նրա անունով եղել են երկու անշարժ գույք՝ Քաջարանում գտնվող հասարակական նշանակության շինություն եւ բնակարան: Շինությունը ձեռք էր բերվել 2011 թվականին՝ գնման, իսկ բնակարանը՝ 2019 թվականին՝ նվիրատվության եղանակով:



Մանրամասները՝ ArmLur.am կայքում

ՀԱՐՑԱԳՐՈՒՅՑ

«ՆԱԽ ՊԵՏՔ Է ԼՈՒԾՈՒՄԸ ՏԱՄ»

Երեւանի ավագանու նիստին իրավիճակը լարվեց: ArmLur.am-ն այս մասին գրուցեց Երեւանի ավագանու «Ազգային առաջընթաց» խմբակ-ցության անդամ Պետրոս Զարուհյանի հետ:

- Քաղաքապետ Տիգրան Ավինյանը Ձեզ ամբարտավան եւ անպարկեշտ անվանեց: Կխնդրեմ նշեք, թե ինչից հետո տեղի ունեցավ դա:

- Ես չգիտեմ ինչից նեղացավ: Ես խոսեցի իրենց անգրագիտության մասին՝ խցանումների հարցով, եւ բարձրացրեցի նաեւ կոռուպցիայի հետ կապված հարց: Մասնավորապես, խոսեցի երթեւեկության կազմակերպման կենտրոնի մասին, որի համար ամսական 41 միլիոն դրամ է հատկացվում: Ես երեք տարի է՝ ասում եմ՝ եթե երթեւեկության եւ խցանումների հարցով մասնագետներ եք փնտրում, բերեք մասնագետներ:

- Քաղաքապետը, սակայն, Ձեզ անպարկեշտ անվանեց:

- Այո: Ես չեմ հասկանում ինչո՞ւ է նեղվում: Ես ընդամենը ասում եմ՝ ձեր աշխատանքի մեջ կա անգրագիտություն: Եթե ոստիկանները երթեւեկության ամենածանր հատվածներում մեքենաների համար ճանապարհ են փակում, կանգնում են եւ գրույց են տալիս, իսկ դրա հետեւանքով խցանում է առաջանում, սա ի՞նչ է, եթե ոչ սխալ կազմակերպում: Նույն հարցը երեք տարի է բարձրացնում եմ:

- Ի՞նչ առաջարկներ ունեք խցանումների խնդիրը լուծելու համար:

- Առաջին հերթին պետք է տվյալների վրա հիմնված լուծումներ լինեն: Իրենք ասում են՝ կենտրոնը վեց ամիս է աշխատում եւ տվյալներ է հավաքում: Բայց ես մի տվյալ ասեմ. 2026 թվականին ոստիկանությունը 17 հազար տուգանք է արձանագրել երկրորդ գծում կայանելու համար: Հարց է առաջանում ինչո՞ւ են մեքենաները երկրորդ գծում կանգնում եւ խցանում առաջացնում: Մենք երեք տարի առաջ ասում էինք՝ ձեր կարմիր գծերը, որ ներկում եք գետնի վրա, բերեք ժամանակավոր կանգառների տեղեր: Օրինակ՝ մարդը պետք է առաքում կատարի, տաքսի է, ուղևոր է իջեցնում: Դրա համար պետք է լինի հինգ րոպեով կանգնելու հնարավորություն, որպեսզի մեքենան երկրորդ գիծ չփակի եւ խցանում չստեղծի: Սա շատ երկրներում լուծված հարց է: Իսկ մեզ մոտ ուղղակի կարմիր գիծ են ներկում եւ դրանով հարցը համարում են լուծված: Այսօր կենտրոնում տեսնում ենք մեքենաներ, որոնք երկար ժամանակ կանգնում են, մարդիկ չեն կարողանում ուղևոր իջեցնել, առաքիչները երկրորդ գիծ են փակում: Բա սա անգրագիտություն չէ՞:

- Քաղաքում նաեւ քննարկվում է միջքաղաքային տաքսիների մուտքը կենտրոն սահմանափակելու հարցը: Ինչպե՞ս եք գնահատում այդ մոտեցումը:



- Եթե ուզում եք արգելել միջքաղաքային տաքսիների մուտքը կենտրոն, պետք է նախ լուծում առաջարկեք: Մարդիկ որտեղի՞ց են գալիս, որտե՞ղ պետք է իջնեն: Չի կարելի մարդուն ասել՝ քաղաքի կենտրոնի սահմանին իջիր, կես ժամ կամ մեկ ժամ սպասիր, հետո ուրիշ մեքենայով գնա: Դու պետք է նախ կանգառներ նախատեսես, մարդկանց իջնելու հնարավորություն տաս, երթուղիներ կազմակերպես: Լուծումը պետք է նախ տաս, հետո արգելք սահմանես: Հակառակ դեպքում դա անմարդկային մոտեցում է:

- Իսկ եթե կենտրոնը փակվի այլ ավտոմեքենաների համար, ի՞նչ ազդեցություն կունենա դա քաղաքի երթեւեկության վրա:

- Եթե ամեն ինչ փակեն, բայց խնդիր իրական պատճառները չլուծեն, իրավիճակը չի բարելավվի: Իրենք անընդհատ ասում են, որ ամեն ինչ հասկանում են, բայց պարզ հարցերը չեն կարողանում լուծել: Եթե մարդիկ ամեն օր մեկ-երկու ժամ խցանումների մեջ են, նշանակում է՝ կան խնդիրներ, որոնք պետք է լուծվեն: Վեց ամիս է՝ այդ երթեւեկության կարգավորման կենտրոնն աշխատում է: Ժողովուրդը ի՞նչ արդյունք է տեսել: Խցանումները պակասել են: Ընդհակառակը՝ բազմաթիվ հատվածներում իրավիճակը շարունակում է ծանր մնալ:

- Դուք նաեւ անդադարձաք փողոցների վերանորոգման աշխատանքներին:

- Այո: Խցանումներն ավելանում են նաեւ այն պատճառով, որ փողոցները

քանդում են, հետո նորից սարքում, հետո կրկին քանդում: Շատ երկրներում նման աշխատանքները փորձում են իրականացնել գիշերային ժամերին, որպեսզի մարդկանց երթեւեկությանը հնարավորինս քիչ խանգարեն: Մեզ մոտ փողոց քանդում են եւ մեկ-երկու շաբաթ այդ հատվածը մնում է այդ վիճակում: Եթե աշխատանք պետք է իրականացվի, արեք այն ժամանակին եւ հնարավորինս արագ: Մի քանի օրով ճանապարհ փակելը հասկանալի է, բայց շաբաթներով նույն հատվածը փակ պահելն արդեն խնդիր է: Այս անգործության հետեւանքով իրենք իրենք են խցանումներ ստեղծում:

- Վերջում ի՞նչն է, ըստ Ձեզ, այսօր Երեւանի խցանումների հիմնական պատճառը:

- Հիմնական խնդիրը ոչ միայն մեքենաների քանակն է, այլեւ երթեւեկության սխալ կազմակերպումը: Չի կարելի այդ գումարները ծախսել, մարդկանց պաշտոնների նշանակել, իսկ հետո ասել՝ վեց ամիս է՝ տվյալներ ենք հավաքում: Երեք տարի է՝ խոսում ենք այս խնդիրների մասին: Առաջինը պետք է լուծել ամենապարզ հարցերը՝ կանգառների կազմակերպումը, երկրորդ գծում կայանումը, ճանապարհների վերանորոգման աշխատանքների ճիշտ ժամկետավորումը եւ երթեւեկության արդյունավետ կառավարումը: Հետո նոր կարելի է խոսել ավելի մեծ սահմանափակումների մասին:

Ջրույց՝ ՆԱՆԻԿ ԱՐԱՍՅԱՆԸ

17,8 ՄԼՆ ԴՈԼԱՐԻ ՆԱՎթԱՄԹԵՐԸ

2026 թվականի առաջին կիսամյակում Հայաստանը Ադրբեջանից ներմուծել է շուրջ 18 մլն դոլարի ապրանք, որից 17,8 մլն դոլարը բաժին է ընկել նավթամթերքին (բենզին եւ դիզելային վառելիք): Ներմուծումները սկսվել են 2025 թվականի դեկտեմբերից, իսկ Հայաստանից Ադրբեջան արտահանում չի արձանագրվել, գրում է Լուրեր.com-ը:

2026 թվականի առաջին կիսամյակում Հայաստանը Ադրբեջանից ներմուծել է

շուրջ 18 մլն դոլարի ապրանք, որից 17,8 մլն դոլարը բաժին է ընկել նավթամթերքին՝ բենզինին եւ դիզելային վառելիքին: Այս մասին, ըստ «Հետք»-ի, վկայում են Հայաստանի մաքսային ծառայության տվյալները:

Նույն ժամանակահատվածում Ադրբեջանից Հայաստան է ներմուծվել նաեւ 109 հազար դոլարի պլաստմասայե շինարարական դետալներ: Ադրբեջանից ներմուծումների շրջանակում արտահանում

Հայաստանից Ադրբեջան չի արձանագրվել: Ադրբեջանական վառելիքի ներկրումը Հայաստան սկսվել է 2025 թվականի դեկտեմբերին: Սկզբում խոսքը բենզինի, իսկ հետագայում նաեւ դիզելային վառելիքի ներկրման մասին էր:

«Հետք»-ը նշում է, որ ներմուծումների մեկնարկից շուրջ կես տարի անց ադրբեջանական նավթամթերքի մասնաբաժինը հայկական շուկայում շարունակում է աճող հետաքրքրության թեմա մնալ:



ԿՄԵԿՆԻ

ՀՆԴԿԱՍՏԱՆ

Ռուսաստանի նախագահ Վլադիմիր Պուտինը եւ Հնդկաստանի վարչապետ Նարենդրա Մոդիի բանակցություններ կանցկացնեն ուրբաթ՝ սեպտեմբերի 11-ին, ԲՐԻԿՍ գագաթնաժողովի շրջանակներում, հայտնել է Ռուսաստանի նախագահի օգնական Յուրի Ուշակովը: Պուտինը սեպտեմբերի 11-13-ը աշխատանքային այցով կմեկնի Հնդկաստան: Նյու Դելիում պետության ղեկավարը կմասնակցի BRICS գագաթնաժողովին: «Սեպտեմբերի 11-ին առաջին գրույցը կկայանա մեր նախագահի եւ գագաթնաժողովի հյուրընկալող՝ Հնդկաստանի վարչապետ Նարենդրա Մոդիի միջեւ», - ասել է Ուշակովը:

ԱՆԵԼՈՒ ԵՆ

ՀՆԱՐԱՎՈՐ

ԱՄԵՆ ԻՆՉ

«Շուրջ 2 ամիս առաջ, առանց որեւէ հիմքի, կալանավորվեց Գագիկ Ծառուկյանը: Դրանից հետո տեղի ունեցած գործընթացները ո՛չ քաղաքական, ո՛չ իրավական որեւէ տրամաբանության չեն ենթարկվում, եւ այս ամբողջ ժամանակահատվածում տարբեր շրջանակներից մենք մշտապես անասելի մեծ աջակցություն ենք ստացել: Եւ գաղափար առաջացավ ստեղծելու այնպիսի մի միավոր, որն իր աշխատանքները կիրականացնի ավելի համակարգված եւ ավելի կանոնակարգված, եւ ստեղծվեց Գագիկ Ծառուկյանի աջակցության հանրային խորհուրդը, որտեղ ընդգրկված են ընդդիմադիր գործիչներ, իրավապաշտպաններ, հանրային գործիչներ, փաստաբաններ, արվեստի գործիչներ»,-երեկ հրավիրած ասուլիսում ասաց խորհրդի համակարգող, ԲՀԿ խոսնակ Իվետա Տոնոյանը:

«Եւ անմիջապես խորհրդի ձեւավորման հետեւ հաջորդ օրը Գագիկ Ծառուկյանը հանդես եկավ ուղերձով եւ դիմեց խնդրանք-առաջարկով, որ խորհուրդն ընդլայնի իր գործունեության սահմանները եւ զբաղվի անազատության մեջ գտնվող բոլոր քաղաքացիների, ինչպես նաեւ Բաքվում պահվող մեր գերիների իրավունքների պաշտպանության հարցերով»,-հավելեց Իվետա Տոնոյանը:

Ըստ նրա՝ վերջին ժամանակահատվածում իրեն ժողովրդավարության բաստիոն հռչակած Հայաստանի Հանրապետությունում մարդու իրավունքների պաշտպանությունը դարձել է պաշտպանության կարիք ունեցող թիվ մեկ ոլորտը:

«Այն գործընթացները, որոնք այսօր տեղի են ունենում ընդդիմադիր քաղաքական գործիչների նկատմամբ, ոչ այլ ինչ են, քան քաղաքական վեճի տա եւ քաղաքական հաշվեհարդար, որովհետեւ բոլորն են հասկանում, որ կալանավորված, կալանավորվող եւ կալանավորվելիք բոլոր ընդդիմադիր քաղաքական գործիչների դեմ հարուցված քրեական գործերում իրավական կոմպոնենտը զրո է, եւ այստեղ մենք գործ ունենք բացառապես քաղաքական վրեժխնդրության հետ»,- ասաց նա:

Ըստ խորհրդի համակարգողի՝ Հայաստանում կալանքը դարձել է պատժիչ գործոն իշխանությունների ձեռքին: Մանրամասները ArmLur.am կայքում

ԻՐԱՎԻՃԱԿ

ՆԱԽԱԳԻԾ

100% ԲԱԺՆԵՏՈՄՍԵՐԸ ԿԱՐՈՂ ԵՆ ԱՆՑՆԵԼ ՊԵՏՈՒԹՅԱՆԸ

ՊԱՏԵՐԱԶՄԸ ԵՐԲ ԿԱՎԱՐՏՎԻ

ԱՄՆ նախագահ Դոնալդ Թրամփը հայտարարել է, որ Իրանի հետ պատերազմը, իր կարծիքով, կավարտվի նոյեմբերին ԱՄՆ-ում կայանալիք միջանկյալ ընտրություններից անմիջապես հետո: Միաժամանակ նա կրկին սպառնացել է հարված հասցնել Իրանի միջուկային ծրագրի հետ կապված «Փիքաքս Մաունթին» (Pickaxe Mountain) օբյեկտին: Թրամփի խոսքով՝ Թեհրանը փորձում է ազդել ԱՄՆ միջանկյալ ընտրությունների արդյունքների վրա, որոնց արդյունքում կորոշվի՝ Հանրապետական կուսակցությունը կպահպանի՞ արդյոք վերահսկողությունը Կոնգրեսում: «Կարծում եմ պատերազմը կավարտվի ընտրություններից անմիջապես հետո, քանի որ Նրանք այլևս չեն կարող դիմանալ», - լրագրողներին ասել է Թրամփը՝ հավելելով, որ Իրանը փորձում է ազդել ընտրությունների վրա:

Միաժամանակ ԱՄՆ նախագահը հայտարարել է, որ ԱՄՆ-ը կարող է հարված հասցնել Իրանի «Փիքաքս Մաունթին» օբյեկտին: Reuters-ի տվյալներով՝ խոսքը խիստ պաշտպանված տարածքի մասին է, որտեղ գտնվում են ստորգետնյա թունելային համալիրներ՝ Իրանի վնասված Նաթանզի ուրանի հարստացման օբյեկտի մոտ: Իրանի հետ պատերազմի ել դրա հետեւանքով վառելիքի գների աճի ֆոնին Թրամփի վարկանիշը, ըստ Reuters-ի, հասել է ռեկորդային ցածր մակարդակի: Միաժամանակ տարածաշրջանում լարվածությունը շարունակում է աճել: Իրանը հայտարարել է, որ չորեքշաբթի օրը Հորմուզի նեղուցի մոտ հարձակվել է 10 նավի վրա, մինչդեռ ԱՄՆ-ը խորտակել է իրանական հինգ նավթատար: Դրանց հետեւանքով նավագնացությունը Հորմուզի նեղուցով շարունակում է խափանված մնալ: Reuters-ի տվյալներով՝ Brent տեսակի նավթի գինը շարունակում է մնալ մեկ բարելի դիմաց 100 դոլարից բարձր: Հորմուզի նեղուցով, որով պատերազմից առաջ անցնում էր աշխարհում նավթի մատակարարումների մոտ մեկ հինգերորդը, չորեքշաբթի օրը անցել է ընդամենը յոթ նավ:

Իրավիճակն ավելի է բարդացել նաեւ Եմենում: Իրանի աջակցությունը վայելող հուլիսների եւ Սաուդյան Արաբիայի միջեւ վերջին օրերին բախումները սրվել են: Սաուդյան իշխանությունների տվյալներով՝ հուլիսների վերջին հարձակումների հետեւանքով երկրի հարավային ջրու քաղաքներում առնվազն 73 մարդ վիրավորվել է:

ԱՄՆ ՎԱՐՈՂԱՆՑԱՆ

ՔՆՆԱՐԿԵԼ ԵՆ ՀՈՐՄՈՒԶԻ ՃԳՆԱԺԱՄԸ

Թուրքիայի ԱԳ նախարար Հաքան Ֆիդանը հեռախոսազրույց է ունեցել իր ֆրանսիացի գործընկեր Ժան-Նոել Բարոյի հետ: Ինչպես հաղորդում է TRT Haber-ը, հղում անելով Թուրքիայի արտաքին գործերի նախարարությանը, նրանք քննարկել են Հորմուզի նեղուցի շուրջ ստեղծված իրավիճակը եւ Մերձավոր Արեւելքում պատերազմը դադարեցնելու ուղղությամբ ընթացող բանակցությունները: Կողմերը քննարկել են նաեւ Ռուսաստանի եւ Ուկրաինայի միջեւ հակամարտության կարգավորման ջանքերը, ինչպես նաեւ Պաղեստինում եւ Սիրիայում ստեղծված իրավիճակը:

ArmLur.am-ը դարգել է, որ e-draft իրավական ակտերի նախագծերի հրադարակման միասնական կայքում սեպտեմբերի 9-ին ԵՋԱՆԱԶՈՒՅՈՒՄԻ ԵՎ ԴՐՎԵԼ ՀՀ Կառավարության որոշման նախագիծ, որով առաջարկվում է «Հայաստանի էլեկտրական ցանցեր» ՓԲԸ-ի 100 տոկոս բաժնեժողովի նկատմամբ ճանաչել հանրության գերակա շահ:

Նախագծով նախատեսվում է, որ ՀՀ-ի 100 տոկոս բաժնետոմսերի ձեռք բերողը կլինի Հայաստանի Հանրապետությունը, իսկ դրանց օտարման գործընթացը համակարգող եւ պատասխանատու պետական լիազոր մարմինը՝ Տարածքային կառավարման եւ ենթակառուցվածքների նախարարությունը:

Նախագծի հիմնավորման համաձայն՝ նման որոշման անհրաժեշտությունը պայմանավորված է պետության եւ հասարակության անվտանգության, սպառողների իրավունքների եւ օրինական շահերի պաշտպանության, բնակչության անխափան էլեկտրամատակարարման, սոցիալական եւ ռազմավարական օբյեկտների բնականոն գործունեության, ինչպես նաեւ էներգետիկ մատչելիության, կանխատեսելիության եւ հավասար հասանելիության ապահովման անհրաժեշտությամբ:

Նախագծում նշվում է, որ ՀՀ-ը Հայաստանի ամբողջ տարածքում իրականացնում է էլեկտրաէներգիայի բաշխում՝ ապահովելով բնակչության, հիվանդանոցների, դպրոցների, ջրամատակարարման համակարգերի, կապի եւ տնտեսության բնականոն աշխատանքը: Ըստ հիմնավորման՝ էլեկտրամատակարարման խափանումը կարող է անմիջական ազդեցություն ունենալ ազգային անվտանգության, առողջապահության եւ հասարակական կայունության վրա:

Կառավարությունը նախագծում որպես կարելու հանգամանք է ներկայացնում նաեւ ՀՀ-ի էլեկտրական էներգիայի (հզորության) բաշխման լիցենզիայի դադարեցումը: Հանրային ծառայությունները կարգավորող հանձնաժողովի 2025 թվականի նոյեմբերի 17-ի թիվ 377-Ա որոշմամբ դադարեցվել է ընկերության էլեկտրական էներգիայի (հզորության) բաշխման թիվ 0092 լիցենզիայի



գործողությունը՝ այն ուժը կորցրած ճանաչելու միջոցով:

Նախագծի համաձայն՝ «Էներգետիկայի մասին» օրենքի 52-րդ հոդվածի 3-րդ մասի հիման վրա կառավարությունը դեռեւս 2026 թվականի փետրվարի 17-ին ՀՀ-ի բաժնետերերին առաջարկել էր համաձայնեցված կարգով Հայաստանի Հանրապետությանը օտարել ընկերության 100 տոկոս բաժնետոմսերը: Նշված առաջարկի վերաբերյալ սահմանված ժամկետում բաժնետերերի կողմից արձագանք չի ստացվել:

Փաստաթղթում անդրադարձ է կատարվում նաեւ «Տաշիր Կապիտալ» ՓԲԸ-ի կողմից դատարան ներկայացված հայցերին: Մասնավորապես, նշվում է, որ ընկերությունը վիճարկել է ՀՀ-ի ՀՀ-ի լիցենզիան դադարեցնելու որոշումը, սակայն Վարչական դատարանը 2026 թվականի մարտի 27-ի վճռով հայցը մերժել է: Միաժամանակ նախագծում նշվում է, որ հետագա դատական գործընթացների արդյունքում «Տաշիր Կապիտալ»-ին հնարավորություն է տրվել քննարկել կա-

ռավարության առաջարկը մինչեւ 2026 թվականի մայիսի 25-ը:

Նախագծի հեղինակները հիմնավորում են, որ ՀՀ-ի նկատմամբ ժամանակավոր կառավարման մեխանիզմը չի կարող համարվել համակարգի երկարաժամկետ կառավարման վերջնական լուծում: Այդ պատճառով, ըստ կառավարության նախագծի, բաժնետոմսերի նկատմամբ հանրության գերակա շահի ճանաչումն ու օրենքով սահմանված կարգով դրանց օտարումը դիտարկվում են որպես էներգետիկ համակարգի երկարաժամկետ եւ կայուն կառավարման միջոց:

Նախագծով նախատեսվում է, որ սեփականության օտարման գործընթացը պետք է սկսվի ոչ ուշ, քան 2027 թվականի մայիսի 1-ը: Օտարման նպատակի իրագործումը նախատեսվում է սկսել մինչեւ 2027 թվականի հուլիսի 1-ը, իսկ ավարտել՝ 2027 թվականի հոկտեմբերի 1-ը:

Նախագիծը շրջանառության մեջ է դրվել սեպտեմբերի 9-ին եւ հանրային քննարկման համար հասանելի կլինի մինչեւ սեպտեմբերի 24-ը:

ՍՈՆԱ ԳՐԻԳՈՐՅԱՆ

ՕՐՎԱ ԽՃԱՆԿԱՐ

ՈՒՆԻ ԵՐԿՈՒ ՏԱՐԲԵՐԱԿ

Patriot հակահրթիռային համակարգերի խիստ պակասի եւ Ռուսաստանի կողմից բալիստիկ հրթիռների արտադրության աճի պայմաններում Ուկրաինան ունի երկու հիմնական տարբերակ՝ հարվածներից պաշտպանվելու համար: Այս մասին հաղորդում է The Economist-ը:

Patriot համակարգերի համար նախատեսված PAC-3 հակահրթիռային համակարգերի ուկրաինական պաշարները գրեթե սպառվել են: Միեւնույն ժամանակ, Ռուսաստանը բալիստիկ հրթիռների արտադրությունը մեծացրել է մինչեւ ամսական մոտ 100 միավոր, իսկ Freya հակահրթիռային պաշտպանության համակարգը դեռեւս պատրաստ չէ օգտագործման: Այս պայմաններում, նշում է The Economist-ը, Ուկրաինան ունի երկու հիմնական տարբերակ:

Առաջինը՝ ենթակառուցվածքների եւ արդյունաբերական օբյեկտների ամրա-

ցումն է, միաժամանակ պահեստամասերի բավարար մատակարարման ապահովումով: Երկրորդը՝ այսպես կոչված «left-of-launch» ռազմավարությունն է, որը նշանակում է գործել մինչեւ հրթիռի արձակումը: Այս ռազմավարությունը նպատակ ունի կրճատել Ռուսաստանում հրթիռների քանակը՝ հարվածելով դրանց արտադրական գործարաններին եւ ոչնչացնելով արձակման համակարգերը մինչեւ դրանց արձակումը:

Ուկրաինան հույս ունի առաջիկա ամիսներին ընդլայնել իր զինանոցը սեփական բալիստիկ հրթիռներով: Սա ներառում է «Յուժմաշի» կողմից մշակված «Սապսան» հրթիռները, ինչպես նաեւ «Fire Point»-ի կողմից արտադրված FP-7 եւ ավելի մեծ հեռահարության FP-9 հրթիռները:

Իրենց արագության շնորհիվ այս հրթիռները ավելի արդյունավետ կլինեն, քան անօդաչու թռչող սարքերը:

Այնուամենայնիվ, սա շատ դժվար խնդիր է, նշում է «The Economist»-ը: Նույնիսկ Միացյալ Նահանգները, Իրանի

նկատմամբ իր լիակատար օդային գերազանցությամբ, պայքարում է թշնամու շարժական սարքերը ոչնչացնելու համար:

ԿԳՈՐԾԱՐԿՎԻ

ՆԳ նախարար Արփինե Սարգսյանը Հանրային հեռուստաընկերությանը տված հարցազրույցում խոսել է նաեւ անձնագրերի եւ նույնականացման քարտերի գործընթացից եւ ասել, որ ամբողջովին կգործարկվի կենսաչափական համակարգը նոյեմբերի 1-ից:

«Այդ օրանից քաղաքացիներին կկարողանանք գրանցել՝ բիոմետրիկ անձնագրերի տրամադրման համար: Բազմաթիվ գրասենյակներ ենք ունենալու թե՛ Երեւանում, թե՛ մարզերում: Երեւանի 2 մոլերում ենք ունենալու նաեւ գրասենյակներ, որոնք նոր մշակույթ կբերեն հանրային ծառայությունների մատուցման տեսանկյունից: Նոյեմբերի 1-ից այդ գրասենյակները պատշաճ գործարկման ենթական կլինեն»:

ՊԱՇՏՊԱՆԱԿԱՆ ԿՈՐՄ

«ՀՐԱՊԱՐԱԿՎԱԾ ԲՈՂՈՐ ԶԵՆՔԵՐՆ ՕՐԻՆԱԿԱՆ ԵՆ»

Գագիկ Խաչատրյանի դաժնամահացումը՝ ՀՀ ԲՆՀԱԿԱՆ ԿՈՄԻՏԵԻ ԿՈՂՄԻՑ 2026 թ. սեպտեմբերի 1-ին եւ 4-ին իրականացված խուզարկությունների վերաբերյալ 2026 թվականի սեպտեմբերի 1-ին եւ 4-ին ՀՀ ԲՆՀԱԿԱՆ ԿՈՄԻՏԵԻ ԲՆՀԱԿԱՆ ԽԱՐՈՇՈՒՄԻ ԿՈՂՄԻՑ, Գագիկ Խաչատրյանի վերաբերյալ ԲՆՀԱԿԱՆ ԳՈՐԾԻ ՇՐՋԱՆԱԿՆԵՐՈՒՄ, իրականացվել են խուզարկություններ, դաժնամահացումը կողմը հարկ է համարում հանրության եւ իրավադատ մարմինների ուսադրությանը ներկայացնել այդ խուզարկությունների ընթացքում թույլ տրված մի շարք էական խախտումներ, որոնք վկայում են ԲՆՀԱԿԱՆ մարմնի կողմից իրականացված գործողությունների ակնհայտորեն ոչ իրավաչափ բնույթի մասին:

1. Հրապարակված բոլոր զեկներն օրինական են, եւ դրանք առգրավվել են ապօրինի: Առգրավված բոլոր հրազենային միավորները վերցվել են դրանց օրինական տիրապետումը հաստատող թույլտվությունների եւ հաշվառման փաստաթղթերի հետ միասին: Այս հանգամանքն ինքնին հաստատում է հրազենի օրինական պատկանելիությունը, մինչդեռ դրանց առգրավումն իրականացվել է առանց որեւէ իրավաչափ հիմքի՝ դարձնելով այն ակնհայտորեն անօրինական:

2. Առգրավումներն իրականացվել են կամայականորեն՝ շոու բեմադրելու նպատակով: Քննչական կոմիտեն առգրավել է Գագիկ Խաչատրյանին ու նրա ընտանիքի անդամներին պատկանող զարդեր եւ ժամացույցներ՝ ակնհայտորեն կամայական ձեւով եւ շոուներ բեմադրելու նպատակով: Այս իրերի օրինական բնույթը հերքող որեւէ ապացույց գոյություն չունի. դրանք ընտանիքի կողմից դեռեւս 1970-ական թվականներից ձեռք բերված կամ որպես նվեր ստացված իրեր են: Դատարանի որոշմամբ՝ որպես որոնման եւ վերցնելու ենթակա օբյեկտներ, նշված չեն եղել նկարներ, զարդեր, ժամացույցներ, զար-



դատուիներ, գրիչներ եւ գրելու հավաքածուներ: Չնայած դրան՝ քննչական խումբը կամայականորեն առգրավել է նշված իրերը՝ առանց որեւէ փաստական կամ իրավական հիմքի այն մասին, որ դրանք հանդիսանում են հանցագործության գործիք կամ արդյունք, կրում են հանցագործության հետքեր կամ որեւէ այլ կերպ առնչվում են գործի հանգամանքներին:

3. Առկա է առգրավված իրերի եւ մեղադրանքի միջեւ որեւէ առնչության բացակայություն: Առգրավված նկարների, զարդերի, ժամացույցների եւ զարդատուիների վրա չեն արձանագրվել որեւէ հետքեր, նույնականացնող համարներ կամ այլ տարբերակիչ հատկանիշներ, որոնք թույլ կտային դրանք որեւէ կերպ կապել Գագիկ Խաչատրյանին առաջադրված մեղադրանքի հետ:

4. Խախտվել է անձնական կյանքի անձեռնմխելիության իրավունքը: Պաշտպանության կողմի մոտ լուրջ մտահոգություն է առաջացնում այն փաստը, որ ՀՀ քննչական կոմիտեի կողմից հրապարակվում են անձանց անձնական կյանքին վերաբերող տվյալներ, մասնավորապես՝ բնակարանների ներքին կահավորանքի պատկերներ եւ նմանատիպ այլ տեղեկություններ: Ն-

ման գործելանոցը խախտում է Հայաստանի Հանրապետության Սահմանադրությամբ եւ գործող օրենսդրությամբ երաշխավորված՝ անձի անձնական եւ ընտանեկան կյանքի անձեռնմխելիության իրավունքը:

Վերոգրյալի հիման վրա՝ պաշտպանության կողմը գտնում է, որ 2026 թվականի սեպտեմբերի 1-ի եւ 4-ի խուզարկությունների ընթացքում քննչական մարմնի կողմից թույլ են տրվել ՀՀ քրեական դատավարության օրենսգրքով, ինչպես նաեւ Սահմանադրությամբ երաշխավորված իրավունքների էական խախտումներ: Պաշտպանության կողմն իրեն իրավունք է վերապահում սահմանված կարգով վիճարկելու առգրավման գործողությունների իրավաչափությունը եւ պահանջելու անօրինականորեն առգրավված գույքի վերադարձը:

Միաժամանակ, կոչ ենք անում իրավապահ մարմիններին գործել բացառապես օրենքի շրջանակներում՝ հարգելով անձի իրավունքներն ու օրինական շահերը: Պաշտպանության կողմը շարունակելու է հետեւել գործի ընթացքին եւ, անհրաժեշտության դեպքում, հանրությանը տեղեկացնել հետագա զարգացումների մասին:

ԲԱՑԱՐԱՅՏՈՒՄ

ԶԵՐԲԱԿԱՎԵԼ Է ՄԵՂՐԻԻ ԶԱՂԱՔԱՊԵՏԸ

NEWS.am-ի տեղեկություններով՝ երեկ ձերբակալվել է Մեղրիի քաղաքապետ Խաչատուր Անդրեասյանը:

Դեռեւս հայտնի չէ՝ ինչ վարույթի շրջանակում է ձերբակալվել Անդրեասյանը:

ArmLur.am-ը երեկ անդրադարձել էր Մեղրիի քաղաքապետ Խաչատուր Անդրեասյանի ունեցվածքին՝ նշելով, որ Մեղրիի համայնքապետ Խաչատուր Անդրեասյանը տարվա ընթացքում ստացել է՝ համապատասխանաբար 100 եւ 50 տոկոս մասնակցություն:

Խաչատուր Անդրեասյանը Մեղրի համայնքի ղեկավարի պաշտոնը զբաղեցնում է 2024 թվականի մայիսի 30-ից:

ԱԶԱՏՎԵՑ ՊԱՇՏՈՆԻՑ

ՊՆ-ն հաստատում է, որ Նախարարի որոշմամբ ճամբարակի զորամասի հրամանատարը ազատվել է պաշտոնից: Գրել էինք, որ ճամբարակի զորամա-



սում ազատումներ են սպասվում: ArmLur.am-ի բացառիկ տեղեկությունների համաձայն՝ Նախաքննական մարմինը պարզել է, թե ինչու են զինվորները երեկոյան ուշ ժամին վազել ճամբարակից դեպի Վահան գյուղ տանող ճանապարհով: Բանն այն է, որ զինվորները զորամասի ճաշարանում բարձր զրուցել են, ու շտաբի պետը նրանց պատժելու նպատակով որոշել է ճամբարակ քաղաքից դեպի Վահան գյուղ տանող ճանապարհին վազեցնել:

Եւ ահա, իրավապահները պարզել են, որ զոււմարտակի շտաբի պետի կողմից նշանակված պատիժը կամ տույժը օրենքով սահմանված բանակային կանոնակարգում չկա:

Դեռ ավելին՝ շտաբի պետը զինվորներին նման պատժի արժանացնելով՝ չի ապահովել վերջիններիս անվտանգությունը, ինչն էլ 7 զինվորի համար դժբախտ պատահարի հետեւանք է դարձել, ու, ցավոք, մեկ զինվորի կյանք փրկել չի հաջողվել:

Հայտնել էինք, որ ArmLur.am-ի բացառիկ տեղեկությունների համաձայն՝ պաշտպանության Նախարար Սուրեն Պապիկյանի որոշմամբ ճամբարակի զո-

րամասի հրամանատարն ազատվել է զբաղեցրած պաշտոնից:

Հիշեցնենք, որ օգոստոսի 26-ին հայտնել էինք, որ ճամբարակ քաղաքից դեպի Վահան գյուղ տանող ճանապարհին 7 զինվոր վրաերթի են ենթարկվել: Դեպքով ձերբակալվել է ՊՆ N զորամասի գումարտակի շտաբի պետը:

ԻՆՉ Է ՀԱՅՏՆԱԲԵՐՎԵԼ ԶՐԻ ՆՄՈՒՇՆԵՐՈՒՄ

Ջրային կոմիտեի Նախագահը հայտնում է, որ Բյուրեղավանի ջրամատակարարման համակարգից վերցված ջրի նմուշներում որեւէ շեղում չի արձանագրվել: Հիշեցնենք, որ սեպտեմբերի 6-ին վեց քաղաքացի դիմել է բուժօգնության, եւ Նախական տվյալներով՝ նրանց մոտ արձանագրվել է աղիքային վարակ: Իրավիճակի ֆոնին Հիվանդությունների վերահսկման եւ կանխարգելման ազգային կենտրոնը՝ ՀՎԿԱԿ-ը, Բյուրեղավանի բնակիչներին հորդորել է ժամանակավորապես չխմել ծորակի ջուրը եւ այն չօգտագործել սննդի պատրաստման նպատակով:

ԼՈՒՐԵՐ

ԿԵՂԾ ԽՄԻՉՔ

ՆԳՆ քրեական ոստիկանության Շիրակի մարզային վարչության ծառայողները սեպտեմբերի 5-ին օպերատիվ տեղեկություն էին ստացել, որ Գյումրի քաղաքի 52-ամյա բնակիչը, առանց համապատասխան թույլտվության, տանը պատրաստում եւ իրացնում է կեղծ օղի եւ կոնյակ: Նա հրավիրվել է մարզային վարչություն եւ բացատրական աշխատանքի արդյունքում հայտնել, որ տեղեկությունը հավաստի է:

Նախաձեռնվել է քրեական վարույթ, որի շրջանակում կատարված խուզարկությամբ 52-ամյա տղամարդու՝ Ղուկասյան փողոցում գտնվող տանը հայտնաբերվել է տարբեր մակնշումներով 144 շիշ կեղծ օղի, տարբեր տարողություններով 15 շիշ կեղծ կոնյակ, մոտ 60 լիտր օղի, խցաններ, դատարկ շշեր եւ այլ պարագաներ:

52-ամյա տղամարդը ձերբակալվել եւ կազմված փաստաթղթերի հետ ներկայացվել է վարույթն իրականացնող մարմին:

Կատարվում է Նախաքննություն:

ՀԵՐՈՒՆ ԻՐԱՑՆԵԼՈՒ ՊԱՀԻՆ

Քրեական ոստիկանության թմրամիջոցների անօրինական շրջանառության դեմ պայքարի վարչության ծառայողները հերթական օպերատիվ տեղեկությունն իրացրին օգոստոսի 20-ին: Ժամը 20:40-ին Արարատի մարզի Այնթապ գյուղում թմրամիջոց ապօրինի ձեռք բերելու եւ իրացնելու կասկածանքով քրեական ոստիկանները ձերբակալեցին Երեւանի բնակիչ 50-ամյա տղամարդու: Իր վարած «Մերսեդեսով» հանդերձ նա տեղափոխվեց Համայնքային ոստիկանության Մասիսի բաժին:

Նրա անձնական խուզարկությամբ հայտնաբերվեց ընդհանուր 6,29 գրամ հերոինով լցված չորս փաթեթ:

Սա օպերատիվ տեղեկության իրացման միայն առաջին փուլն էր: Տեղեկություն կար նաեւ, որ երեւանցուն թմրամիջոցները պարբերաբար իրացրել են Նոր հարբերդում բնակվող երկու օտարերկրացի տղամարդ:

Մասիսի քննչական բաժնում Նախաձեռնվեց քրեական վարույթ: Հանցագործության ամբողջ շղթայի բացահայտման ուղղված հետագա աշխատանքն իրականացվեց իրավապահների ակտիվ համագործակցությամբ: Լայնածավալ օպերատիվ-հետախուզական միջոցառումներն ու քննչական գործողություններն արդյունք տվեցին օգոստոսի 31-ին:

Հատուկ միջոցառման արդյունքում 20 գրամ հերոինը 300 հազար դրամով իրացնելու պահին, 62-ամյա եւ 46-ամյա օտարերկրացիները ձերբակալվեցին:

Դատարանի որոշմամբ խուզարկություն կատարվեց 46-ամյա օտարերկրացու բնակության վայրում: Հայտնաբերվեցին 132 գրամ հերոին, կես գրամ ափիոն, 6,5 հաբ մեթադոն եւ հոգեմետ 20 դեղահաբ:

Օտարերկրացիները կալանավորվել են: Նախաքննությունը շարունակվում է:

● Օգոստոսի 31-ից սեպտեմբերի 7-ը Երեւանի պարեկները հայտնաբերել են թաղանթապատված դիմապակիով եւ կողային ապակիներով 46 մեքենա:

ՄԱՐԶ

ՆԻՍՏԸ
ԿԱՅԱՑԵԼ Է

Սեպտեմբերի 8-ին կայացել է Բերդ համայնքի ավագանու հերթական նիստը, որին մասնակցել է նաև ավագանու ԶԳ խմբակցության անդամների մի մասը: Ավագանու նախորդ՝ մայիսի 21-ի եւ հունիսի 18-ի հերթական նիստերին ավագանու «Քաղաքացիական պայմանագիր» խմբակցության անդամները չեն մասնակցել, նրանք բոլորովն են նիստերը: Բերդ համայնքի կառավարման հարցում գործում է ավագանիում մեծամասնություն ունեցող «Զորավոր համայնք» խմբակցության եւ «Քաղաքացիական պայմանագիր» խմբակցության կոալիցիա, որով համայնքի ղեկավարի առաջին տեղակալ եւ համայնքի 4 բնակավայրերի վարչական ղեկավարներ էին նշանակվել ԶԳ կուսակցության ներկայացուցիչներ:

Համայնքի ավագանու սեպտեմբերի 8-ի նիստի օրակարգում ընդգրկված են եղել երեք տասնյակ հարցեր, որոնցից ամենակարեւորները համայնքի ավագանու որոշմամբ «Բերդի ջրամատակարարման ծառայություն», «Բերդի ճանապարհների սպասարկում եւ լուսավորում», «Բերդի աղբահանություն եւ սանիտարական մաքրում» համայնքային ոչ առետրային կազմակերպությունների ստեղծումն էր: Նախկինում նշված ծառայություններն իրականացնում էր Բերդի համայնքապետարանի ենթակայությամբ գործող «Բերդի կոմունալ ծառայության» համայնքային ոչ առետրային կազմակերպությունը:

«Բերդի կոմունալ ծառայություն» ՀՈԱԿ-ն ավելի քան 300 միլիոն դրամի տուգանքի եւ տույժի է ենթարկվել այն բանի համար, որ այդ հիմնարկի տարեկան շրջանառությունը գերազանցել է 115 միլիոն դրամը, ուստի հիմնարկությունը պետք է ավելացված արժեքի հարկ վճարեր, սակայն այդ հարկատեսակը չի վճարել: Համայնքի ղեկավար Աստղիկ Հակոբյանին հարցրի՝ ինչպե՞ս է եղել, որ իրենք տեղյակ չեն եղել հարկային օրենսդրության այդ դրույթի վերաբերյալ: Նա հայտնեց, որ հարկային այդ դրույթը գործում է 2019 թվականից, ինքը Բերդ համայնքը ղեկավարում է 2022 թվականից, սակայն համայնքապետարանում այդ մասին տեղյակ չեն եղել: Նա նշեց, որ Հայաստանում 22 համայնքներ եւս այդ մասին տեղյակ չեն եղել:

Համայնքի ղեկավարը հայտնեց, որ Բերդի կոմունալ ծառայության աշխատողները կընդգրկվեն նորաստեղծ ՀՈԱԿ-ներում եւ կիրանանացնեն Բերդ համայնքի համար այդքան կարեւոր գործառնությունները: Ա. Հակոբյանն ասաց, որ սեպտեմբերի 8-ին ավագանու կայացրած կարեւոր որոշումներից մեկը այն է, որ հոկտեմբերի 1-ից Բերդի համայնքապետարանի ենթակայությամբ գործող մանկապարտեզներում երեխաների ուսուցումը կլինի անվճար: Համայնքի ղեկավարի խոսքերով՝ ներկայումս պետական բյուջեի, Բերդ համայնքի եւ այլ կազմակերպությունների ֆինանսավորմամբ Բերդ համայնքի բնակավայրերում 14 մանկապարտեզների շենքերը վերանորոգվում են:

ՈՍԿԱՆ ՍԱՐԳՍՅԱՆ

ՀԱՅՏԱՐԱՐԱՐԱԳԻՐ

ՏԱԹԵՎԻ ՀԱՄԱՅՆՔԱՊԵՏԻ ՈՒՆԵՑՎԱԾՔԸ

ArmLur.am-ը շարունակում է ուսումնասիրել դաշնադատ անձանց գույքի, եկամուսների, ծախսերի եւ ռազմական հայտարարագրերը եւ դրանք ներկայացնել հանրությանը: Այս անգամ ուսումնասիրել ենք Սյունիքի մարզի Տաթև համայնքի ղեկավար Մամվել Լալայանի ունեցվածքը:

Մամվել Լալայանը Տաթև համայնքի ղեկավարի պաշտոնը զբաղեցնում է 2021 թվականի նոյեմբերի 15-ից:

2025 թվականի սկզբին Մամվել Լալայանի հայտարարագրում առկա է եղել 8 միավոր անշարժ գույք: Դրանց թվում են Տաթևում գտնվող համատեղ սեփականության բնակարան, Գորիսում գտնվող միանձնյա սեփականությամբ բնակարան, ինչպես նաև Տաթևում գտնվող չորս հողամաս, բազմամյա տնկի եւ անհատական բնակելի տուն՝ տնտեսական շինություններով:

Տաթևի բնակարանը Լալայանը ձեռք է բերել 2025 թվականի հունվարի 15-ին՝ նվիրատվության եղանակով, իսկ Գորիսի բնակարանը՝ 2024 թվականի հունվարի 15-ին, նույնպես նվիրատվությամբ: Տաթևում առկա չորս հողամասը, բազմամյա տնկին եւ բնակելի տունը հայտարարագրում նշված են որպես 1991 թվականի փետրվարի 20-ին ձեռք բերված գույք:

Տարվա ընթացքում նոր անշարժ գույք ձեռք բերելու կամ գույք օտարելու վերաբերյալ հայտարարագրում տվյալներ չկան: Տարվա վերջին նշված գույքը պահպանվել է:

Հայտարարագրի համաձայն՝ Մամվել Լալայանը տրանսպորտային միջոց չի ունեցել:

ԵԿԱՄՈՒՆ

2025 թվականին Տաթևի համայնքապետը հայտարարագրել է ընդհանուր 4 մլն 918 հազար 180 դրամ եկամուտ: Ամբողջ գումարը ստացվել է աշխատանքի վար-



ձատրության եւ դրան հավասարեցված այլ վճարումների տեսքով՝ Տաթևի համայնքապետարանի աշխատակազմից:

Դրամական միջոցներ

2025 թվականի սկզբին նրա բանկային հաշվի մնացորդը կազմել է 300 հազար դրամ, իսկ տարեվերջին՝ 150 հազար դրամ: Այսինքն՝ տարվա ընթացքում բանկային հաշվի մնացորդը նվազել է 150 հազար դրամով:

Կանխիկ դրամական միջոցները, հակառակը, աճել են: Տարվա սկզբին Մամվել Լալայանը հայտարարագրել է 100 հազար դրամ կանխիկ գումար, իսկ տարեվերջին՝ 200 հազար դրամ:

2025 թվականի դեկտեմբերի 31-ի դրությամբ Մամվել Լալայանի վարկի մայր գումարի մնացորդը կազմել է 3 մլն դրամ:

ՄՈՆԻՏՐԻՆԳ

ԱՇԽԱՐՀ

ԿՍՏԱՆԱՆ 5
ՀԱԶԱՐ ԳՈԼԱՐ

ԱՄՆ նախագահ Դոնալդ Թրամփը հայտարարել է, որ եթե նոյեմբերին կայանալիք միջանկյալ ընտրություններում Հանրապետական կուսակցությունը վերահսկողություն հաստատի ԱՄՆ Կոնգրեսի Ներկայացուցիչների պալատի եւ Սենատի նկատմամբ, յուրաքանչյուր չափահաս ամերիկացի կստանա 5 հազար դոլարի վճարում:

Թրամփն այդ մասին հայտարարել է Դալասում՝ Հանրապետական կուսակցության համագումարի ժամանակ՝ առաջարկել անվանելով «Թրամփի դիվիդենդներ»: Նրա խոսքով՝ գումարը պետք է ծախսվի ԱՄՆ տարածքում: Միաժամանակ նախագահը չի մանրամասնել, թե ինչպես է իրականացվելու ծրագիրը եւ որտեղից են հատկացվելու անհրաժեշտ միջոցները:

BBC-ի փոխանցմամբ՝ ԱՄՆ-ում կա շուրջ 270 միլիոն չափահաս քաղաքացի: Հետեւաբար, յուրաքանչյուրին 5 հազար դոլար տրամադրելու ծրագիրը պետական բյուջեի համար կարող է արժենալ մոտ 1.3 տրիլիոն դոլար:

Թրամփի հայտարարությունը արդեն քննադատության է արժանացել: Դեմոկրատները այն որակել են որպես «դատարկ խոստում», իսկ որոշ մասնա-

գետներ հարցեր են բարձրացրել ծրագրի իրավական հնարավորության վերաբերյալ: ԱՄՆ-ում Կոնգրեսն է հաստատում պետական ծախսերը, իսկ Թրամփը չի հստակեցրել՝ արդյոք նախատեսում է Կոնգրեսից ստանալ նման վճարումների հաստատումը:

Միաժամանակ իրավական հարց է առաջացել, քանի որ դաշնային օրենքներն արգելում են քվեարկության վրա ազդելու նպատակով վճարումներ կատարելը: Սակայն որոշ իրավաբաններ կարծում են, որ Թրամփի առաջարկը կարող է դիտարկվել որպես հարկերի կրճատման խոստում, ինչը թույլատրելի է:

Թրամփը նախկինում եւս հանդես է եկել քաղաքացիներին ուղղակի վճարումներ տրամադրելու առաջարկով: Մասնավորապես, նա առաջարկել էր 2 հազար դոլարի չեկեր, որոնք պետք է ֆինանսավորվեին մաքսատուրքերից ստացված եկամուտներով:

Ա. Վ.

ԿՈՉ Է ԱՐԵԼ ԱՎԵԼԻ
ԼԱՎ ՊԱՏՐԱՍՏՎԵԼ

Իսպանիայի վարչապետ Պեդրո Սանչեսը կարծում է, որ թագավորությունը պետք է ավելի լավ պատրաստվի

Սեուտա քաղաքում տեղի ունեցածի նման «հարձակումներին»:

Նա ասել է, որ երկրի իշխանությունները չէին սպասում անօրինական միգրանտների այդքան մեծ հոսքին: Նա կարծում է, որ կառավարությունը պետք է բարելավի իրավիճակը մի քանի ուղիով:

«Առաջինը այն է, թե ինչպես ենք մենք պատրաստվում այս տեսակի հիբրիդային հարձակումներին», - ասել է վարչապետը TVE-ին տված հարցազրույցում:

Նա առաջարկել է զգալիորեն ավելացնել ներդրումները սահմանային վերահսկողության համակարգում:

Սանչեսը կարծում է, որ «ավելի քան երբեք անհրաժեշտ է», որ Իսպանիայի թագավոր Ֆելիպե VI-ը այցելի Սեուտա:

Հուլիսի վերջին տասնյակ հազարավոր անօրինական ներգաղթյալներ Սեուտա էին հասել ջրային ճանապարհով՝ շրջանցելով քաղաքը Մարոկկոյից բաժանող ծովափնյա ջրարգելակը: Ծգնաժամի պատճառով Մադրիդը որոշել էր տեղակայել զինվորականներին՝ քաղաքում անվտանգությունն ապահովելու համար: Ըստ իշխանությունների՝ քաղաք կարող է մուտք գործած լինել մինչեւ 80,000 մարդ, սակայն, ենթադրաբար, անօրինական ներգաղթյալների մեծ մասն արդեն վերադարձել է Մարոկկո:

● Մարզերում օգոստոսի 31-ից սեպտեմբերի 7-ը պարեկները հայտնաբերել են թաղանթապատված դիմապակիով եւ կողային ապակիներով 105 մեքենա:

ԼՈՒՐԵՐ

ԺԱՄԱՆԱԿԸ ԿՍՊԱՌՎԵՐ

Ֆրանսիայի արտաքին գործերի նախարարության եվրոպական հարցերով նախարարի պատվիրակ Բենջամին Յադոլդը հայտարարել է, որ անհրաժեշտ չի համարում արձագանքել ԱՄՆ նախագահ Դոնալդ Թրամփի յուրաքանչյուր գրառմանը, այն բանից հետո, երբ նա հրապարակեց քարտեզ, որտեղ Կարիբյան ավազանում գտնվող ֆրանսիական անդրծովյան տարածքները պատկերված էին ամերիկյան դրոշի գույներով:

«Եթե մենք արձագանքեինք Սպիտակ տան եւ Դոնալդ Թրամփի յուրաքանչյուր գրառմանը, մեր ժամանակը կսպառվեր: Յետեւաբար, ես կարծում եմ, որ չարժե չափազանց շատ մեկնաբանություններ տալ եւ չափազանց շատ արձագանքել յուրաքանչյուր քնահաճույքի», - ասել է Յադոլդը Sud Radio-ին տված հարցազրույցում:

Ավելի վաղ Թրամփը իր Truth Social սոցիալական ցանցում հրապարակել էր քարտեզ, որտեղ տասնյակ երկրներ, այդ թվում Կուբան, Կանադան, Մեքսիկան, Կարիբյան ավազանը, Գրենլանդիան եւ Իսլանդիան պատկերված էին ամերիկյան դրոշի գույներով:

ՔՆՆԱՐԿԵԼ Է ԶԱՐԳԱՅՈՒՄԸ

Էկոնոմիկայի նախարար Գեորգ Պապոյանը հանդիպել է Յայաստանում բարձր տեխնոլոգիաների կիրառմամբ վարդերի աճեցմամբ զբաղվող գործարարների հետ, գրում է Լուրեր.com-ը:

Քննարկվել են ջերմոցային ոլորտի պետական քաղաքականությունը, արտահանման խթանման գործող աջակցության մեխանիզմները, արտահանման գործընթացների կազմակերպումը, ինչպես նաեւ ոլորտի զարգացման եւ մրցունակության բարձրացման հնարավորությունները:

Առանձին անդրադարձ է կատարվել ջերմոցային վարդերի արտահանման լոգիստիկ եւ տրանսպորտային առանձնահատկություններին, մաքսային ձեւակերպումներին եւ ոլորտին վերաբերող այլ հարցերին:

Պապոյանն ընդգծել է ոլորտի անխափան գործունեության, հայկական ջերմոցային վարդերի արտահանման մրցունակության բարձրացման եւ նոր շուկաներում հայկական արտադրանքի դիրքերի ամրապնդման կարևորությունը:

ԿՐԵՄԼՈՒՄ ԿՈՉ ԵՆ ԱՐԵԼ

Տիեզերքը պետք է մնա բազմակողմ համագործակցության եւ երկխոսության տարածք, այլ ոչ թե դառնա առճակատման հարթակ: Այս մասին հայտարարել է ՌԴ նախագահի մամուլի քարտուղար Դմիտրի Պեսկովը, հայտնում է Լուրեր.com-ը:

«Տիեզերքը պետք է լինի փոխադարձ համագործակցության եւ երկխոսության հարթակ, այլ ոչ թե առճակատման վայր», - ասել է Պեսկովը:

Նա այս հայտարարությունն արել է BRICS-ի գագաթնաժողովին ընդառաջ լրագրողների համար կազմակերպված ճեպագրույցի ժամանակ:

ՌԿ ԵՎ ԻՆՉՊԵՍ Է ՈՐՈՇԵԼՈՒ

7-9 ՄԸՆ ԴՈՒՍԻՐ՝ ԱՄՈՒԼՍԱՐԻ ՀԱՄԱՅՆՔՆԵՐԻՆ

Տարեկան 7-9 մլն ԱՄՆ դոլար՝ Ամուլսարի ազդեցությունը կրող համայնքների զարգացման ծրագրերի համար. «Լիդիան Արմենիայի» կողմից Տրամադրվող այս միջոցների սփռման մեխանիզմը նախատեսվում է իրականացնել եռակողմ համաձայնագրով, որը ստորագրել են ՀՀ կառավարությունը՝ ի դեմս Էկոնոմիկայի նախարարության, «Լիդիան Արմենիան» եւ ազդակիր համայնքները:

Ծրագիրն ընդգրկում է Սիսիան, Ջերմուկ եւ Վայք համայնքները: Նախատեսվում է, որ միջոցները կուղղվեն համայնքների զարգացման առաջնահերթություններին՝ մասնավորապես ենթակառուցվածքների, կրթության, առողջապահության եւ համայնքային այլ ծրագրերի իրականացմանը:

«Լիդիան Արմենիայի» սոցիալական բաժնի ղեկավար Լուսինե Յակոբյանը Տնտեսական լրագրողների ակումբի հետ զրույցում նշեց, որ կարելի էր սկզբունքն այն է, որ ֆինանսավորվել են համայնքների կողմից առաջնահերթ համարվող ծրագրերը:

Միջոցների կառավարման համար առաջիկայում նախատեսվում է ստեղծել Ամուլսարի համայնքային զարգացման հիմնադրամ, որը հանդես կգա որպես ծրագրի իրականացման երրորդ կողմ: Ֆինանսավորման վերաբերյալ որոշումները կկայացվեն ծայրերի մեծամասնությամբ:

Խորհուրդը բաղկացած կլինի 7 անդամից. չորսը կներկայացնեն «Լիդիան Արմենիան», իսկ երեքը՝ համապատասխան ազդակիր համայնքները: Որոշումները կկայացվեն ծայրերի մեծամասնությամբ:

Լուսինե Յակոբյանի խոսքով՝ խորհրդի հիմնական գործառնությունը լինելու է ֆինանսավորման վերաբերյալ որոշումների կայացումը, իսկ հիմնադրամի գործիքակազմն ապահովելու է ծրագրերի առավել արդյունավետ իրականացումը:

Տարեկան սոցիալական ներդրումը շահագործման փուլում լինելու է 7 մլն դոլար: Այդ գումարը կարող է հասնել 9 մլն դոլարի, եթե միջազգային շուկաներում ոսկու մեկ ունցիայի գինը գերազանցի 3550 դոլարը: Ներդրումների տրամադրման սկիզբը հաշվարկվում է 2025թ. հուլիսից՝ շինարարության մեկնարկի ամսաթվից, ուստի առաջին հատկացումը լինելու է 1,5 տարվա համար եւ կազմելու է 10,5 մլն դոլար:

Ընկերության ներկայացուցչի խոսքով՝ ընտրված մեխանիզմը պետք է ապահովի միջոցների հստակ եւ թափանցիկ ծախսումը: Նախատեսվում է, որ տարեկան ֆինանսավորումը կիրականացվի եռամսյականոց կտրվածքով, իսկ դրա



արդյունքում իրականացված ծրագրերի ազդեցությունը համայնքների վրա առավել տեսանելի կլինի մի քանի տարվա ընթացքում:

Միջոցները կարող են ուղղվել ենթակառուցվածքների բարելավմանը, կրթական եւ առողջապահական հաստատությունների ու ծրագրերի զարգացմանը, ինչպես նաեւ համայնքային նշանակության այլ սոցիալ-տնտեսական նախաձեռնությունների:

Այսպիսով, ծրագրի հայտարարված նպատակը համայնքների համար կայուն, երկարաժամկետ եւ ոչ թե անհատական բնույթի արդյունք ապահովելն է:

ՌՎ Է ՈՐՈՇԵԼՈՒ՝ ԻՆՑԻ ՎՐԱ ԾԱԽՍԵԼ ԳՈՒՄԱՐԸ

Եռակողմ համաձայնագրի շուրջ քննարկումները, ըստ ընկերության, տեւել են ավելի քան ութ ամիս: Ֆինանսական միջոցների տնօրինումն իրականացնելու է Ամուլսարի համայնքային զարգացման հիմնադրամը, իսկ ծրագրերի վերաբերյալ որոշումները՝ հիմնադրամի խորհուրդը:

Միեւնույն ժամանակ, եթե որեւէ ծրագիր ֆինանսավորվի, դրա իրականացման համար կապալառուի ընտրությունը նախատեսվում է վերապահել համայնքին: Հիմնադրամը եւս մասնակցություն կունենա գործընթացին:

Միջոցների բաշխման մեկ այլ կարելիք առանձնահատկություն էլ կա. հանքի ազդեցությունը կրող բնակավայրերին պարտադիր ուղղվելու է խոշորացված համայնքին հատկացրած ընդհանուր գումարի առնվազն 20 տոկոսը:

Այս հանգամանքը պայմանավորված է նրանով, որ Սիսիանը, Ջերմուկը եւ Վայքը խոշորացված համայնքներ են, եւ դրանց կազմում ընդգրկված են նաեւ այլ բնակավայրեր. շատ կարելի է, որ ազդակիր բնակավայրերն ունենան երաշխավորված մասնաբաժին

Ջերմուկը՝ որպես առանձին զգայուն ուղղություն

Ծրագրի շրջանակում առանձին ուշադրության է արժանանում Ջերմուկը՝ որպես առողջարանային քաղաք: Ընկերության ներկայացուցչի խոսքով՝ հաշվի է առնվել քաղաքի առողջարանային միջավայրի պահպանման անհրաժեշտությունը:

Այդ համատեքստում «Լիդիան Արմենիայում» նշում են, որ աշխատողների համար ստեղծվել է առանձին կացարանային ենթակառուցվածք, որպեսզի նրանց կենցաղային կարիքները հնարավորինս չազդեն Ջերմուկ քաղաքի առողջարանային միջավայրի վրա:

Ընկերության տեսլականով՝ Ջերմուկի հետագա զարգացումը պետք է կապված լինի բարելավված ենթակառուցվածքների եւ ծառայությունների միջոցով առողջարանային քաղաքի դիրքի ամրապնդման հետ:

Ի վերջո, ծրագրի իրական արդյունավետությունը կախված կլինի ոչ միայն տրամադրվող միլիոնավոր դոլարների չափից, այլեւ նրանից, թե որքան թափանցիկ եւ մասնակցային կլինի դրանց բաշխման գործընթացը, ինչ ծրագրեր կառաջարկվեն եւ կընտրվեն եւ ինչ չափից արդյունք դրանք կապահովեն համայնքների բնակիչների համար:

ՄԱԿՐՈՆԸ՝ ԵՎՐՈՊԱՅԻՆ

Ֆրանսիայի նախագահ Էմանուել Մակրոնը կոչ է արել Եվրոպային առաջիկա տասը տարիների ընթացքում զարգացնել սեփական օդաչուավոր տիեզերական թռիչքների ծրագիրը: Մակրոնը նման հայտարարություն է արել Փարիզում անցկացվող միջազգային տիեզերական գաթնաժողովի ժամանակ՝ ընդգծելով, որ Եվրոպայի տիեզերական ծրագիրը դեռեւս խոցելի է եւ անհրաժեշտ է մեծացնել ներդրումները: Նրա ներկայացրած ծրագ-

րով՝ երկու տարվա ընթացքում Եվրոպական «Nyx» բեռնատար պարկուճը պետք է միանա Միջազգային տիեզերակայանին, ինչպես տարվա ընթացքում «Argonaut» լուսնային սարքը պետք է վայրէջք կատարի Լուսնի վրա, իսկ տասը տարվա ընթացքում Կուրուից պետք է մեկնարկի առաջին Եվրոպական օդաչուավոր պարկուճը՝ Եվրոպացի եւ այլ երկրների տիեզերագնացներով: Եվրոպական տիեզերական գործակալության ղեկավար Յոզեֆ Ալբախե-

րը նշել է, որ նման անկախ կարողություններ ստեղծելու համար առաջիկա տասը տարիներին անհրաժեշտ կլինի տարեկան շուրջ 1 մլրդ եվրոյի ներդրում: Եվրոպան մինչ այժմ օդաչուավոր տիեզերական առաքելություն ինքնուրույն չի իրականացրել եւ տիեզերագնացների թռիչքների համար հիմնականում ապավինել է Ռուսաստանի եւ ԱՄՆ-ի հնարավորություններին:

Ա. Վ.

● «Ժողովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՇՈՒՐՋ 1,5 ՄԻԼԻՈՆ ԵՐԿՐՊԱԳՈՒ

ՌԵԿՈՐԴԱՅԻՆ ՊԱՇԱՆՋԱՐԿ Է ԳՐԱՆՑԵԼ

Մայի Մայրուսի առաջիկա երկու համերգները Հոլիվուդ Բոուլում արդեն իսկ մեծ իրաւանցում են առաջացրել: Մեղեմների 9-ին երգչուհու համերգների նախապահառքի հերթում հայտնվել է գրեթե 1,5 միլիոն երկրպագու, ինչը նոր ռեկորդ է սահմանել Պասիֆիկայի մականդակով: Համերգները նախատեսված են հոկտեմբերի 16-ին եւ 18-ին եւ կ-դառնան Մայի Մայրուսի առաջին խո-ռո ելույթները 2022 թվականի նոյեմբերից ի վեր:

Երգչուհին վերջին անգամ մեծ բեմում հանդես էր եկել Մեխիկոյում՝ Corona Capital երաժշտական փառատոնի շրջա-նակում: Այս վերադարձը համընկնում է նրա կարիերայի նոր փուլի հետ: Մեյսոնների 18-ին Atlantic Records-ը կ-թողարկի Մայրուսի 10-րդ ստուդիական ալբոմը՝ «Bass Persuades» անվամբ: Ալբո-մի մասին Մայրուսը հայտարարել էր սեպ-տեմբերի 1-ին՝ Նշելով, որ երաժշտութ-յունն իր համար միաժամանակ ուժեղ, խո-ցելի, քաղցր ու հզոր զգացողություն է:

Նոր ալբոմի համաձայն երգն արդեն իսկ մեծ ուշադրություն է գրավել: 80-ականնե-րի ոճով dance-pop ստեղծագործությունը այս շաբաթ ԱՄՆ ռադիոկայաններում դարձել է ամենաշատ ավելացված երգը: Երգում Մայրուսը անդրադառնում է էլ-րաններով ի ժամանակակից աշխարհին՝ կոչ անելով մարդկանց մի կողմ դնել հե-ռախոսները եւ կրկին վերադառնալ պա-րահրապարակ: «BassPersuades»-ը նաեւ հաջող մեկնարկ է ունեցել սթրիմինգային



հարթակներում. երգը սեպտեմբերի 4-6-ի ընթացքում Spotify-ի ԱՄՆ-ի Top Songs չարթում դեբյուտ է կատարել 1-ին հորիզոնականում, իսկ համաշխարհային չարթում 2-րդ: Այն նաեւ հասել է ԱՄՆ-ի iTunes-ի առաջին հորիզոնականին:

«Մայլի»՝ առանց Մայրուս նոր ալբոմով երգչուհին նաեւ փոխում է իր հանրային ներկայացման ձեւը: Նախագիծը թողարկ-վում է պարզապես «Miley» անունով՝ ա-ռանց «Cyrus» ազգանվան: Այս նոր փու-լին աջակցել է նաեւ նրա հայրը՝ քանթրի երաժիշտ Billy Ray Cyrus-ը:

Նա դստեր նոր անվանման ձեւաչափը համեմատել է այնպիսի լեգենդար ար-տիստների հետ, ինչպիսիք են DollyParton-ը, Cher-ը, Elvis-ը եւ Prince-ը: Բիլլի Ռեյ Մայրուսը Նշել է, որ մեկ անունով ներկա-

յանալը «բնական առաջընթաց» է սու-պերսթարի եւ լեգենդի համար: Իսկ Հոլիվուդ Բոուլի համերգները Մայլիի հա-մար առանձնահատուկ նշանակություն ունեն: Երգչուհին պատմել է, որ այդ վայրը իր սիրելի վայրն է երաժշտություն լսելու եւ սիրելի արտիստներին տեսնելու հա-մար: Նա բազմիցս նստել է Հոլիվուդ Բոուլի հանդիսատեսի շարքերում, սա-կայն դեռ երբեք այնտեղ բեմ չի բարձրա-ցել: «Լոս Անջելեսն իմ սիրտն է, եւ ես այն տուն եմ բերում», - ասել է երգչուհին: Եր-կու համերգներին էլ Մայլի Մայրուսին կ-միանա հատուկ հյուր՝ MODEL/ACTRIZ-ը:

Համերգների ընդհանուր վաճառքը մեկ-նարկել է սեպտեմբերի 10-ին՝ ժամը 10:00-ին՝ Խաղաղովկիանոսյան ժամանակով:

ՄԱՐԶԱԿԱՆ

ԴՈՒՐՍ Է ԵԿԵԼ ԿԻՍԱՆԶՐԱՓԱԿԻՉ

Աշխարհի 50-րդ ռակետ, հայազգի թե-կիսիստ Կարեն Խաչանովը դուրս է եկել US Open-ի 2026 թվականի խաղարկութ-յան կիսաեզրափակիչ: Քառորդ եզրափա-կիչում Խաչանովը հաղթում էր բելգիացի Ալեքսանդր Բլոքսին՝ 6:2, 7:5, 3:2 հաշվով, երբ մրցակիցը վնասվածքի պատճառով դադարեցրեց հանդիպումը:

Խաչանովի համար սա կարիերայի եր-րորդ «Մեծ սաղավարտի» կիսաեզրափա-կիչն է եւ երկրորդը՝ US Open-ում: Վերջին անգամ նա Նյու Յորքում այս փուլ հասել էր 2022 թվականին:

Կիսաեզրափակիչում Խաչանովը կհան-դիպի աշխարհի 2-րդ ռակետ Ալեքսանդր Զվերեւին: Մյուս կիսաեզրափակիչում միմյանց դեմ կխաղան Ֆրենսիս Տիաֆոն եւ Բեն Շելթոնը:

ՆՇԵԼ Է ԻՐ ՖԱՎՈՐԻՏԻՆ

Ֆրանսիայի ազգային հավաքականի նախկին հարձակվող Թիերի Անրին կիս-վել է իր կարծիքով այն մասին, թե ով է արժանի ստանալու այս տարվա «Ոսկե գնդակը»: «Նախորդ տարի ամեն ինչ շատ ավելի պարզ էր. այն ժամանակ ակնհայտ ֆավորիտն Ուսման Դեմբելեն էր: Հիմա ընտրություն կատարելը շատ ավելի բարդ է:

Վերցնենք, օրինակ, Հարի Քեյնին կամ Մայքլ Օլիսենին, որն ավարտված մրցաշը-ջանում Գերմանիայի լավագույն ֆուտբո-լիստն էր: Անգլիացիները, եթե նրանց հարցնեք աշխարհի առաջնության լավա-

զույն ֆուտբոլիստի մասին, հաստատ կնշեն Զուդ Բելինգեմին: Թեեւ նրա մրցաշրջանը «Ռեալում» հաջողված ան-վանել չի կարելի:

Առանձին պետք է խոսել Ռոդրիկի մա-սին. նա իսկապես հիանալի էր աշխարհի առաջնությունում եւ իրավամբ արժանա-ցավ մրցաշարի լավագույն խաղացողի կոչմանը: Սակայն մրցաշրջանի ընթաց-քում նա այնքան էլ շատ հանդիպումներ չանցկացրեց: Լամին Զամալն իր հերթին չկարողացավ բացահայտվել աշխարհի առաջնությունում խանգարեց վնասված-քը: Չի կարելի մոռանալ նաեւ Էրլինգ Հալանդի մասին. բարդ է անտեսել ցան-կացած դիրքից գոլ խփելու նրա ունա-կությունը: Եվ այնուամենայնիվ, իմ կար-ծիքով, նա զիջում է որոշ այլ հավակ-նորդների: Խվիչա Կվարացիլեիան չմաս-նակցեց աշխարհի առաջնությանը, իսկ Լիոնել Մեսսին կարող էր լրջորեն հա-վակնել «Ոսկե գնդակին», եթե Արգենտի-նան հաղթեր մրցաշարում, բայց, ցավոք, դա տեղի չունեցավ:

Ի վերջո, ես հավանում եմ Կիլիան Մբա-պեի թեկնածությանը. հենց նա է իմ ֆավո-րիտը: Ոմանք կարող են առարկել, որ նա թիմային տիտղոսներ չի նվաճել, բայց նրա անհատական նվաճումներն ինքնին խոսում են. նա դարձավ Չեմպիոնների լի-գայի, Լա լիգայի եւ աշխարհի առաջնութ-յան լավագույն ռմբարկուն: Մայքլ Օլիսեն նույնպես տպավորիչ է՝ հատկապես գոլա-յին փոխանցումների քանակով:

Պարզապես մտածեք, թե քանի գոլ է խփել Մբապեն աշխարհի առաջնությու-նում եւ Չեմպիոնների լիգայում. դա ապ-շեցուցիչ է: Ուզում եմ ընդգծել, որ բոլոր թեկնածուները լուրջ խաղացողներ են, այլ ոչ թե պատահական մարդիկ: Սակայն

անձամբ ես իմ ձայնը կտայի Կիլիանին: Օլիսեն, անշուշտ, մակարդակով նույն-պես շատ մոտ է նրան», - armsport-ի փոխանցմամբ՝ Անրիի խոսքերը մեջբե-րում է Give me Sport-ը:

Հիշեցնենք, որ 2026 թվականի «Ոսկե գնդակի» հանձնման հանդիսավոր արա-րողությունը կկայանա հոկտեմբերի 26-ին:

ԱՐՉԱԳԱՆՔԵԼ Է

Կատալոնական «Բարսելոնայի» բրա-զիլացի հարձակվող Ռաֆինյան չի ընդգրկվել «Ոսկե գնդակի» դափնեկրի կոչմանը հավակնող 30 ֆուտբոլիստների ցանկում: Դրան հաջորդած օրը բրազիլա-ցին փայլուն հանդիպում անցկացրեց Չեմպիոնների լիգայում՝ Նիդերլանդական «Ֆեյենորդի» դեմ խաղում (5-1): Ռաֆին-յան դարձավ դուբլի հեղինակ եւ ճանաչ-վեց հանդիպման լավագույն խաղացող:

Ետխաղյա հարցազրույցի ժամանակ լրագրողներն սպասելիորեն հետաքրքր-վել են հեղինակավոր մրցանակի հավակ-նորդների ցանկից նրա բացակայության փաստով, սակայն ֆուտբոլիստը չի ցան-կացել ծավալվել այդ թեմայով, գրում է armsport-ը:

«Ես չեմ ցանկանում խոսել «Ոսկե գնդակի» մասին, ես խոսում եմ «Բարսելո-նայի» մասին: Մենք հիանալի ենք մեկ-նարկել այս մրցաշրջանում», - բրազիլա-ցու խոսքերն է մեջբերում մամուլը՝ «Կամա Լոու» մարզադաշտում կայացած խաղից հետո:

Հավելենք, որ «Բարսելոնան» իր հա-ջորդ հանդիպումը կանցկացնի սեպտեմ-բերի 13-ին. Իսպանիայի Լա լիգայի շրջա-նակում կատալոնացիներն արտագնա խաղում ուժերը կչափեն «Լեւանտեի» հետ:

ՄԱՐԶԱԿԱՆ

ԼԱՎԱԳՈՒՅՆ ԹԻՄԻ ԴԵՄ

Նիդերլանդական «Ֆեյենորդի» գլխա-վոր մարզիչ Զովանի վան Բրոնկխորս-տը մեկնաբանել է Չեմպիոնների լիգա-յի խաղարկության լիգայի փուլի առա-ջին տուրում կատալոնական «Բարսե-լոնայից» կրած ջախջախիչ պարտութ-յունը (1-5), գրում է armsport-ը: «Կար-ծում եմ մենք խաղում էինք տվյալ պա-հին աշխարհի լավագույն թիմի դեմ: Փորձեցինք ցուցադրել մեր ֆուտբոլը եւ պարզապես չնահանջեցինք դեպի մեր դարպասը: Այս մասին ինձ ասաց նաեւ Հանսի Ֆլիկը, երբ շնորհավորում էի նրան հաղթանակի կապակցութ-յամբ: Մենք շատ արագ գոլ բաց թողե-ցինք՝ արդեն 3-րդ րոպեին, բայց, ի վեր-ջո, փորձեցինք խաղալ մեր խաղը», - հոլանդացի մասնագետի խոսքերը մեջ-բերում է RTL-ը:

Վան Բրոնկխորստը նաեւ քննադա-տել է իր խաղացողների գործողություն-ները պաշտպանությունում. «Մի քանի գոլ բաց թողեցինք սեփական կոպիտ սխալների պատճառով: Առաջին գոլի դրվագում մենք հետետողական չգտնվե-ցինք մրցակցի նկատմամբ, իսկ տուգա-նայինի խաղարկումից հետո էլ գնդակն անցավ մեր կենդանի պատի միջով: Բայց ժամանակ առ ժամանակ մենք լավ էինք գործում՝ չնայած գործադրվող ճնշմանը: Հայտացուցանում ընդգրկ-ված իմ 18 ֆուտբոլիստների համար սա առաջին հանդիպումն էր Չեմպիոնների լիգայում: Նրանք պետք է դասեր քա-ղեն այս փորձից»:

Նշենք, որ Չեմպիոնների լիգայի հա-ջորդ տուրում «Ֆեյենորդը» կմրցի ի-տալական «Կոմոյի», իսկ «Բարսելո-նան» ուժերը կչափի թուրքական «Գա-լաթասարայի» հետ:

1000 ԳՈԼ ԿԻՓԻ

Անգլիական «Լիվերպուլի» եւ Անգ-լիայի ազգային հավաքականի նախկին պաշտպան Զեյնի Կարագերը հիացա-կան խոսքեր է հնչեցրել «Մանչեսթեր Սիթիի» նորվեգացի հարձակվող Էր-լինգ Հալանդի արդյունավետության հասցեին:

«Պարզապես չեմ կարող պատկերաց-նել, որ Հալանդը 1000 գոլ չի խփի կամ չի դառնա պատմության լավագույն ռմբարկուն: Արդյունավետության եւ վիճակագրության առումով ես երբեք նման բան չեմ տեսել: Այս ամենը կրկնվում է յուրաքանչյուր հանդիպման ժամանակ, եւ քանի որ նա դա անում է անընդհատ, դա այլեւս արտասովոր եր-եւույթ չի թվում:

Նա նոր երկու գնդակ հեղինակեց Չեմպիոնների լիգայի արտագնա խա-ղում: Եթե դա աներ մեկ այլ հարձակ-վող, ապա դա կհամարվեր մեծագույն իրադարձություն, իսկ նրա դեպքում ա-մեն ինչ ընկալվում է որպես սովորական օրինաչափություն: Ես պարզապես այլ սցենար չեմ տեսնում. ի վերջո, նա կդառնա մեծագույն ռմբարկուն եւ կիս-փի ավելի շատ գոլ, քան իրենից առաջ որեւէ մեկը», - ըստ armsport-ի՝ Կարագե-րի խոսքերը մեջբերում է CBS Sports-ը:

Հիշեցնենք, որ ՈւեՖԱ-ի Չեմպիոննե-րի լիգայի խաղարկության լիգայի փու-լի առաջին տուրում պորտուգալական «Պորտուի» դեմ կայացած խաղում (2-0) Հալանդը դարձել էր դուբլի հեղինակ:

● Ա. Սպենդիարյանի անվան օպերայի եւ բալետի ազգային ակադեմիական թատրոնում սեպտեմ-բերի 20-ին՝ ժամը 13:00-ին, կկայանա «Ճպուռն ու մրջյունը» ներկայացումը:

ԿԱՐԳ

ՀԱՐՑ. Արդյո՞ք գործարհի կամ գործարար հարաբե-
րության իրական շահառու կարող է լինել անչա-
փահաս անձը:

Փալուստ Օհանյան, 48 տարեկան

ՊԱՏԱՍԽԱՆ. «Փողերի լվացման եւ ահաբեկչութե-
րի ֆինանսավորման դեմ պայքարի մասին» ՀՀ օրենքի
(այսուհետ՝ Օրենք) 3-րդ հոդվածի 1-ին մասի 14-րդ կետի
համաձայն գործարքում կամ գործարար հարաբերութե-
րում իրական շահառու է համարվում այն ֆիզիկա-
կան անձը՝ ա) որի անունից կամ օգտին հաճախորդն ի-
րականում գործում է, եւ/կամ բ) որն իրականում վերահս-
կում է հաճախորդին կամ այն անձին, որի անունից կամ
օգտին գործարքը կամ գործարար հարաբերությունը ի-
րականացվում է, եւ/կամ գ) այն անձը, որին պատկանում
է իրավաբանական անձ հանդիսացող հաճախորդը,
կամ դ) այն անձը, որի անունից կամ օգտին գործարքը
կամ գործարար հարաբերությունն իրականացվում է:

Ոչ Օրենքում, ոչ Ֆիզազգային ստանդարտներում ի-
րականշահառուի չափահասության վերաբերյալ պա-
հանջներ առկա չեն: Ըստ այդմ, անչափահաս անձը
եւս կարող է համարվել գործարքի կամ գործարար հա-
րաբերության իրական շահառու, եթե համապատաս-
խանում է Օրենքի վերոգրյալ հիմքերից որեւէ մեկին:
Այսուամենայնիվ, իրական շահառուի բացահայտման
համապարփակության եւ արդյունավետության տե-
սանկյունից կարելու է նաեւ օրենսդրությամբ
քաղաքացու գործունակությանը ներկայացվող պա-
հանջները: Մասնավորապես,

● ՀՀ քաղաքացիական օրենսգրքի 24-րդ հոդվածի 1-
ին մասի համաձայն՝ ՀՀ քաղաքացու գործունակությու-
նը, այն է՝ իր գործողություններով քաղաքացիական ի-
րավունքներ ձեռք բերելու եւ իրականացնելու, իր հա-
մար քաղաքացիական պարտականություններ ստեղ-
ծելու ու դրանք կատարելու քաղաքացու ունակությու-
նը, ամբողջ ծավալով ծագում է չափահաս տարիքից՝
18 տարեկանից:

● Միեւնույն ժամանակ, ՀՀ քաղաքացիական օրենսգր-
քի 29-րդ հոդվածի համաձայն՝ տասնչորս տարեկանը
չլրացած անչափահասների փոխարեն գործարքները՝
բացառությամբ մանր կենցաղային, նոտարական վա-
վերացում եւ պետական գրանցում չպահանջող, օրի-
նական ներկայացուցչի կողմից տրամադրված միջոց-
ները տնօրինելու գործարքների, կարող են կնքել միայն
նրանց ծնողները, որոշեգործները կամ խնամակալները
(այսուհետ՝ օրինական ներկայացուցիչներ): Հարկ է
նշել, որ անգամ բացառություն կազմող դեպքերում
գույքային պատասխանատվությունը միեւնույն է կրում
են օրինական ներկայացուցիչները:

Այսպիսով, բոլոր այն դեպքերում, երբ գործարքի
կամ գործարար հարաբերության իրական շահառուն
տասնչորս տարին չլրացած անչափահաս է, բանկը
պարտավոր է որպես իրական շահառու դիտել եւ Օ-
րենքի 16-րդ հոդվածի 5-րդ մասով սահմանված գոր-
ծողությունները իրականացնել նաեւ նրա օրինական
ներկայացուցիչների նկատմամբ:

ՀՀ կենտրոնական բանկ

ԵՂԱՆԱԿԻ ՏԵՍՈՒԹՅՈՒՆ

☾

Շիրակ

+ 3 + 7
+ 21 + 26

☾

Կոտայքի
լեռներ

+ 4 + 7
+ 21 + 25

☾

Կոտայքի
նախալեռներ

+ 11 + 13
+ 25 + 27

☾

Գեղարքունիք

+ 3 + 8
+ 18 + 22

☾

Լոռի

+ 5 + 9
+ 20 + 24

☾

Տավուշ

+ 6 + 9
+ 21 + 24

☾

Արագածոտնի
լեռներ

+ 3 + 6
+ 21 + 24

☾

Արագածոտնի
նախալեռներ

+ 10 + 14
+ 25 + 29

☾

Արարատ

+ 11 + 14
+ 27 + 30

☾

Արմավիր

+ 10 + 14
+ 28 + 31

☾

Վայոց ձորի
լեռներ

+ 4 + 8
+ 22 + 25

☾

Վայոց ձորի
նախալեռներ

+ 11 + 14
+ 28 + 31

☾

Սյունիքի
լեռներ

+ 4 + 7
+ 16 + 20

☾

Սյունիքի
նախալեռներ

+ 8 + 12
+ 21 + 25

☾

Սյունիքի
հովիտներ

+ 14 + 16
+ 27 + 30

☾

Երեւան

+ 13 + 15
+ 28 + 30

Լրատվական գործունեություն իրականացնող՝
«Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արշակունյաց 22՝/3, հեռ՝ **010 54-64-23**
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության **10.09.2026**
Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ
չեն վերադարձվում, **Գ** նշանով նյութերը գովազդային
հրապարակումներ են, որոնց համար խմբագրությունը
պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս
կամ ընթացիկ մեջբերումներ անելիս պետք է պարտադիր գրառել
հետեւյալ նախադասությունը. «Շարունակությունը կարող էք կարդալ
«Ժողովուրդ» օրաթերթի այսօրվա համարում»: